

KUMPUNAN
KHAUWTLANG NUN
SIAMTHAT

YMA AW



Branch Executive Meeting neih a ni.

Branch News

Chanmari West, June 26: Ni 21.6.2011 (Thawhleh) zan khan Branch Executive meeting Ni.Lalramengzami (V-Section) te inah neih a ni. He meeting hi President in a kaihruai a, meeting ah hian YMADay hman zawh tak thlirletna, hruaitu intuaithar thupui sawiho leh thu pawimawh hrang hrang rel a ni.

Thurel tlangpui :-

1. YMA DAY thlirletna:- Ni 15.6.2011 (Nilai) a YMADay hman zawh tak thlirletna neih a ni a, he hun hman zawhtak a Section hrang hrang a YMA memborten Branch YMA leh YMADay Programme committee in a lo rel leh buatsaih anga intihhlomma hrang hrang neih anrawn ti hlawhtling thei chu committee chuan lawmthu a sawi takzet a. Tin, he hun hman zawh taka Thingpui leh Ar sawhchiar tuhna tak min buatsaihsaktu vengpa flawmngaite chungah pawh lawmthu a sawi takzet a ni.

2. Hruaitu Intuaitharna thupui sawihona :- Ni 24.3.2011- a YMA hruaitute intuaitharna kan neiha thupui hrang hrang hruaitutena kan sawiho zinga 'Inpumkhatna' chu hetiang hian sawihona neih a ni.

a) Branch leh Section : Branch leh Section te kan inpumkhatna a that viau lai hian hmasawna tur tam tak kan la nei niin alanga. Branch YMA chak zawka a kal theih nan hruaitute mahni hma zawn theuh ah taima lehzual zawka hma kan lak chhoh a pawimawh hle.

b) Section leh Section : Section

tin te kan hmalakna kawngah in erna rilru pu lova a thalam zawnga in el kan thiam a pawimawh hle. Chhiatni thilak chhiattawkte awmna section te kutah engkim dah mai lova a tul ang ang akan thawhho a inpuihbawm thin nise. Chhiattawk an awma mahni section chhung chauh a lan tum lova section dangah pawh lan hram tum thin nise, chutiang tur chuan tan la thar leh theuh thei ila a lawmawm hle ang.

c) Section leh Sub-Committee :

Section leh Sub-Committee te hi Branch tichak tura din a nih ang tak hian mahni Secion huamchungah theuh tun aia chak zawka hmalak theih nise. Branch YMA chakna tur leh hmalakna tur siam chungchangah Section leh Sub-Committee te theihtawpa kawng hrang hranga hmalak tlan thin ni baw se Branch YMA in tun ai hian hma kan sawn ngei ang tih a rinawm a ni.

Hruaitute intuaitharna neih a Section hrang hrang ten thupui kan sawiho chu Branch Committee in a ennawn leh vek tawh a, a khaikhawmna Section tina pek tawhte a theih anga lo bawhzui turin Branch YMA Committee chuan Section tinte a ngen takzet a ni.



Branch YMA Computer(Desktop) tur lei thar a ni.



Zawlbuk sak pawh la chhunzawm chhoh zel a ni a. Section hrang hrangte a in chhawkin hnatlang a tul anga koh a niin, koh chhunzawm zel tum a ni.



Ni 21.6.2011 (Thawhleh) zan khan Branch Executive meeting neih a ni.



Branch YMA chuan vengchhunga In luah tur neite vengdanga mi kan In kan luah tir dawnin PEM LEHKHA felfai tak an neih loh chuan luah tir ngawt lo turin a ngen.

PEM LUT

Heng mite hi vengdang atangin anrawn pemlut a veng tana mi tha tak an nih kan beisei.

1. Pu F.Lalruatsanga te chhung Armed Veng 'S' atanga rawn pem, Pu Lalchungnunga 'T' Sect. ah.

2. Pu Lalfakawma te chhung Muthi atanga rawn pem, Pu Kawlzika(L) 'T' Sect. ah

3. Pu Lalengzauva te chhung Chanmari atanga rawn pem, Pu Lalchungnunga 'T' Sect. ah

4. Pu Malsawmkima Pachuau te chhung Kanan atanga rawn pem, Pu H.Lalthlamuana 'T' Sect. ah.

LEHKHA KAWNGBO

Ricky Lalmuanpuia, H/No. T-86, Ph.No. 9774954098, Chanmari West tih chu Editor hnenah lam theihin a awm e. (Fr-SBI)



TUN KAR CHANGVAWN

Naute u, tuma bumin awm suh u; felna titu chu a fel a ni, amah a fel ang bawkin. Thil tisuat tu chu diabolaa chhuak a ni; diabola chuan atr ata thil a tisuat si a. Pathian fapa lo lan chhan ber chu diabola hna thawhte a tihboral theih nan a ni.

Johana 3:7-8

HRIATTIRNA LEH NGENNA

Branch YMA chuan Central YMA - in Vai mistiri rate a bithliah chungchangah vengchhunga Vai mistiri zawng zawngte chu kohkawma tha tak leh zaidawh taka thil awmzia sawipui a tum a, Vengchhunga Vai Mistiri zawng zawngte chu vawiin tlai Dar 3:00 hian Primary School- ah kalkhawm vek tura ngen leh hriattir an ni. Vengchhunga vai mistiri inluah nei zawng zawngte chu an inluah tu vai mistiri te lo hriattir theuh tur leh Permit Original leh Xerox Copy keng tura hriattir theuh tura ngen kan ni e. He hunah hian Branch Executive member zawng zawngte kim taka kal vek tura hriattir an ni bawka a ni.

Central YMA - in Vai Mistiri leh Helper hlawhbi a tuk Mistiri in 300/-aia tam lo leh Helper in 170/-aia tam lo a chhawr tura min ngenna chu Branch YMA chuan khawtlang mipuite zawm a tihlawhtling theuh turin a ngen tak meuh meuh a ni.

Editorial Board

Editor

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkuma
9862303135

Pu Vanlalhluta
9862366308

Tv. Vanlalfawna
9856301975

Cir. Manager

Johny Lalthanpuia
9612359161

Jacob Lalrinsanga
9612319779

Production Manager

R.Lalmachhuana
9436151817

Branch Office Bearer

President

T.Ngurkhuma
9436190843

Vice President

R.Lalmachhuana
9436151817

Secretary

RL.Thanhnuana
9436152760

Asst. Secretary

K.Darthanthuanga
9436196071

Treasurer

C.Lalzarliana
9436142049

Fin.Secretary

Lalthuamluaia
9612216649

Advisers

Pi Zamanthangi
Pu Vanlalsawma
Pu Rothuama
Pu Lalbiakthanga
Khiangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlina kha hlen rawh. II Tim 4:5

Editorial : Thu leh hla lama ril tak nih lem loh hi chuan engemawchang hi chuan editorial han ziah dawn hian 'ka hul awmlo mai rawh se' tih mai te hi a chakawm rum rum thin. Amaherawhchu editorial han neih loh ngawt mai chu tu'n dik an tibik in ka ing bawk silova. Han thlasik mau puah phawng phawng zel mai talawng.

Central YMA in hlawhfa rate (Vai mistiri) a siam thar a, mipuite chu he rate a siam ang hi zawm ngei tura beisei kan ni a. Hemi chungchangah hian Chanmari West Branch YMA chuan theih ang ang in hma a la mek zel a. YMA in hma a lak na turah khawtlang mipuite tawimawna a pawimawh avangin veng mipui zawng zawng ten kan ngaih pawimawh a tul hle a ni. YMA in a tum ber chu Mizo ni lote nawr vak emaw, anni chungah hian khauh tak a hmalak a dan lekkawh emaw lam a ni lova. A tum ber zawk chu keimahni that tlanna zawk a ni kan ti thei awm e. Hei hian inhlawhfa te chauh thatna nilovin a chhawrtu mizo mipuite that tlanna tur zawk a ni.

Khawtlanga awmthei deuh emaw tlema vantlang deuh te pawh hian rilru zim tak leh mawl tak pu a keimahni nawmsakna chauh ngaihtuah lovin mipui nawlpui tana tha kan ngaihtuah hram hram tur a ni. Mizo tlawmngaihna avanga midangte tana inpe thin hnam hian kan hnam chimrala kan awmna tur nilova kan dinchhuah na tur kawngah hian kan tanrual a pawimawh takzet a ni.

Article :

RAM BUAI LAI TITI

Mizo National Army te Independent an sual chhuah tak tak huna a lawmna ruai an theh dan tur an duhtusam hetiang hi a ni awm e..

A hmasain berin KAWIHRUILIAN kan chhat anga, SESAWM kan hling ang. A beitham deuh dawna kan rin chuan VANBAWNG kan hlin belh ang a; SETHLUM-ah kan thlung khawm ang. HREICHUK-in kan chekhlum ang a, LUNGPHER-ah LUNGCHER-in kan chan darh anga, KHAWBEL-ah khung khawmin MUALLUNGTHU-ah kan chhuang ang. CHHAWRTUI kan leih anga; THINGLIAN kan tuah ang. HMUNNGHAK-ah kan inngakhawmin CHAWLHHMUN-ah kan chawl anga; NISAPUI a tlak hnuin ZANLAWN-ah kan lawn ang a, SEKHUM-ah kan mu ang. KHAWZING-ah kan thovang a, LUNG DAR an vuak hunah ZAWNGIN-ah kan inkhawm ang. MUALPUI-ah mual inkhawm kan hmang anga, ZAINGEN hla sa turin kan ngen ang. KHUANGPUI leh KHUANGGLUNG chumchilhin, RULLAM, SAILAM, LAMHERH, LAMCHHIP, LAMZAW, SELAM leh LAMTE an lam ang a. Chumi zawh

chuan BUHCHANG kan chhum ang a; KAWLCHAW nen HNAHCHANG-ah kan khawrh ang . Mi mal mal chan tur insem nan HNAHTHIAL-in kan fun ang a, THLENGANG-ah kan dah khawm leh ang. HUALTU-in an kil ang a, SAIHA-in an thial ang a, TUIDAM-in kam kan tuah ang a; KHAWPUAR kan nih hlawm tawh dawn avangin kan hah lutuk loh nan ZALENGLUI-ah kan mu zal ang a, kan la puar lutuk cheu chuan REIEK-ah kan in e thawl ang a; puar ta fam chu kan tam leh hma chuan BUHBAN-ah kan pem ang a, chutah VANZAUTLANG bul mai a nih tawh avangin enghelh tur kan nei tawh dawn lova, TARPPO a ngei tawh lovanga, NEIHLOH a awm tawh dawn loh avangin ren hlek lovin CHENGPUI leh CHENGTE kan hmang hiau hiau tawh mai dawn a ni. A ropui dawn mang e.

(Heng thumal hawrapppuia kan dahte zinga a tam ber hi Mizoram-a khaw hming an ni hlawm a, ZALENGLUI erawh hi chu Serchhip ram chhunga lui pakhat hming a ni awm e)

(Source- Dan leh Hrai Vol VII, Issue No. 11&12)

INTERNET ATANGA TUI (PUBLIC HEALTH ENGINEERING DEPARTMENT PRIVATE & PUBLIC WATER CONNECTION) HAW NI HRIAT DAN

1. A hmasain Internet explorer-ah hei hi type phawt la.
<http://awddphed.mizoram.gov.in/>
2. Tichuan, Aizawl Water Distribution division Website a lo lang anga.
3. Water Distribution schedule tih kha click la, tichuan Tui semna hmun tura ruahman lawkte tih hnuaihan i consumer no. kha type lut la. **check** tih button kha click ang che.

HRIATTUR PAWIMAWH THENKHAT

Tui semna bial khat (mual/veng/line) chung sem zawh a nih hma chuan bial pumpui a T- Cluster/ Customer te tarlan a ni ang. Tarlan avang hian tui lo dawng tawh tan dawn nawn tur tihna a ni lo.

Ruahman lawk anga tui a thlen loh chuan a chhan a awm thei te:

- Beisei ang tui pump chhuah theihloh chang a awmin
- Khawchhung tui Zonal Tank-a pekna pipe leh a semdarhna pipe chhia/harsatna a awmin
- Hriat lawk loh chhiatna a thlenin

Ruahman lawk anga tui a thlen loh chuan a tukah tui sem hmabak hi chhunzawn zel tur a ni.

Tui semna hmun tur duan hi nitin tlai dar 5:00 atanga a thar tarchhuah hman beisei a ni. Pathianni-ah tui sem a ni lo.

CHAWNGBAWLA

☞ An member Pi Juliet Lalengkimi chuan Ni 16-20 June 2011 a 35th National Arm-Wresling Championship, Ludhiana, Punjab a neih ah Below 60 kgs -ah Silver Medal a dawng a, an lawmpui hle.

NEUVA

☞ Inluah tur nei reng rengin luah tir hmain Pem Lehkha felfai leh dik an neih loh chuan luah tir lo turin an in hriattir.

☞ Vawiin tlai dar 4:00 hian Branch YMA in vengchhunga Vai Mistiri leh helper awm zawng zawngte a kokhawm dawn a, he hunah hian vai chhawr mek leh inluah tirten ILP Xerox leh Original kenga kal tur a ni tih hrih theuh tur a ni.

☞ Pi Thaltinpari w/o Vanlalthanga Bial IV-na, Motor silna bula awmte chu Ruihhlo avang leh Pem lehkha lem hmanga kan veng a an awm chu Branch YMA in June thla ral hmaa veng chhuahsan turin an in hriattir.

☞ Kar hmasa khan Primary School Gate leh Kawngkapui karchhiat a ni a, School chungah lutin Green Board-ah thu mawilo tak tak ziah a ni a, he thil ti tu hi hriat i ni a, i ti leh a nih chuan na taka zil h hau i ni ang.

☞ Joseph Lalrinnggheta s/o Lalhruaitluanga Bial 2-na Electric Current man vanga Civil Hospital-a awm chu a dam leh thuai theih nan duhsakna an hlan.

KHUANGCHERA

☞ Sumtuak nan lei lai a inhlawhfak thin a ni a. Member hnatlang thawkchhuak thin te chungah lawmthu an sawi.

☞ Sumtuak lei laih hi la zawh loh a nih avangin memberte thahnemngai taka a hnatlang chhunzawm zel turin an in ngen a, hruaitu la hnatlang ve lo te pawh sumtuakna ni anga ngai pawimawh hram hram tur leh hunawl lo insiam turin an in ngen.

☞ Section inhlawhna siamsaktu Pi Sangkimi chungah leh hnatlang chhang tumsaktu Pu Lalthansanga Hmar chungah lawmthu an sawi takzet.

☞ Khawlaiah ui ek hmuh tur a tam leh ta hle mai a, ui vulh tute kan ui vulh te khuahkhirh leh deuh turin an in ngen. An sulhnu te enzuia felfai zawk a enkawl turin an in hriattir.

TAITESENA

☞ Fur kan hmang chho tan leh mek a, hetihlai hian hmun thenkhatah bawlhhlawh ruahin a len chhuak leh nual ta mai a, chhungtinte YMA hnatlang tihtur a dah mai lova mahni in leh a vel vawngfai theuh tur leh bawlhhlawh a paihna tur diktaka paih theuh turin an in ngen.

☞ An hruaitu Pu Lalhmingliana a pa damlohna avanga phailama thang mek leh Pu H.Lalthazela an nu hnathawhna lama zin pawh damtaka an lo haw leh thuai theih nan duhsakna an hlan.

☞ An Section Secretary Pu RK.Rozidinga te chung pawh remchan zawkna avangin Pu RK.Thantluanga te inhnua ah an in sawn thla.

☞ Luikawr hnaia awmte luikawra bawlhhlawh paih tawh lo turin an in hriattir. Ruah a sur a tuihawk luangin luikawr a thuah leh thin si avangin Vengthlang/Vengdang te tan harsatna kan siam thin a, midangin min hmulo mahsela sim tum theuh turin an in ngen.

☞ Section chungah Vai Mistiri inluah neite Br. YMA in vawiin tlai a kokhawmna hun a siam a kal tura hriattir theuh turin an in ngen.

VANAPA

☞ Ni 20.6.2011(Thawhtan) zingkar khan YMA Day Faina hnatlanga bawlhhlawh paih bang te paih faia hruaitu hnatlang neih a ni a, bawlhhlawh paih nana phaltaka motor hmantirtu Pu Lallawmawma chungah lawmthu an sawi. Tanpuina petu Pu C.Thangpuia leh VHSC te chungah lawmthu an sawi. Faina hnatlanga member hnatlang zawng zawngte chungah lawmthu an sawi baw.

☞ YMA Zaipawl Shooting neih ni leh YMA day a thlak a duh apiang tan Cham Cham Store ah mahni a print tir mai theih a ni e.

☞ An Treasurer Pu T.Sangkhuma hnathawhna avanga Bairabi lama zin pawh tuangtakin a lo haw leh ta.

☞ Section chung kawngpuite a chep avangin insakna hmanrua, motor leh thildangte kawngpuidala dah lo turin an in ngen nawn leh.

☞ Nimin Inrinni (25.6.2011) khan Section bungraw enfel leh Pu C . T h a n c h u n g n u n g a bawlhhlawhbawm pek rawng hnawih a hnatlang hruaituten neih a ni.

ZCC NEWS

☞ Ni 19.6.2011 (Sunday) khan committee an nei a, thu pawimawh tak tak an rel.

☞ Ni 8.7.2011 (Zirtawpni) hian Hermon Children Home tlawh tum a ni a, member leh hruaitute hunawl lo insiama kal theuh turin an in ngen. He hun atan hian hian vengchhung mi inphalte hnenah tanpuina remchang khawn tum a ni a, vengchhung nu leh pa te tanpuina pek tum theuh turin an in ngen.

☞ Ni 27.6.2011 (Thawhtan) zan Dar 8:00 hian Indoor Stadium TT Hall-ah Club member zawng zawng leh hruaitute kalkhawm vek tur a ni a, hunawl lo insiam vek turin an in hriattir.

☞ Club Dress kawl kan la awm chuan Secretary te hnenah thehluh theuh turin an in hriattir.

CWSC NEWS

Football Sub-Committee :-

☞ Ni 23.6.2011 (Ninga) zan khan an Chairman Pu Zonunsanga (Patea) te in ah meeting vawi 2-na neih a ni a, thu pawimawh tak tak an rel.

☞ Monthly Donation khawmna atan Envelope tha tak mai an hruaitu Pu Vanlalhruaia K-Sect. in arawn tumsak chu an lawm hle.

☞ Ni 27.6 - 2.7.2011 chung hian Indoor Stadium-ah Aizawl District Volleyball Association (ADVA) in Season Opening Volleyball Tournament a buatsaih dawn a, he hun ah hian sumtuaknan Thingpui dawr siam tum a ni a, hruaitute thahnemngai taka thawkchhuak theuh turin an in ngen.

☞ Hun remchang hmasa ah Volleyball Sub-Committee te nen Friendly Match (Football) neih tum a ni a, hruaitute lo in la Fit theuh turin an in chah.

Volleyball Sub-Committee :-

☞ Upa Sapliana (L) hriatreng nana a nupui fanauten Sporting Club Volleyball Jersey an pe chu Sub-Committee chaun lawmthu a sawi tak meuh meuh a ni.

☞ Season Opening neih tur atan players te nasa takin an inpuahchah mek a, hruaitute ngawrh leh zuala tawiam turin an in ngen.

☞ Season Opening Volleyball Toournament hawmna Naktuk Dar 10:00 ah neih a ni dawn a, players zawng zawngte Indoor Stadium-ah Dar 9:30 ah kim taka kal tur a ni e.

CYMA NEWS**Chhandamna Camping
buatsaih dawn.**

Ni 27.6 - 9.7.2011 chhung hian Krista Hnungzuitu Tawngtai Bethel Camping Centre, Chawnpuiah Ruihhlo ngaite leh Hmeichhe rahbi tleu tawhte pualin Chhandamna Camping a buatsaih dawn. He Camping-ah hian Pu Lalsanglura Ralte, Sons of God Ministry chu Speaker-ah hman a ni ang. Camping neihna tur atan Branch hrang hrangin Central YMA-ah tanpuina an rawn chhung lut a, Branch 55 atangin Rs. 1,60,900/- bakah Holy Cross Bakery, Tuikual North hnen atangin Rs. 10,000/- hmuh a ni.

Camping inbuatsaih nan hian ni 23.6.2011 tlai khan Central YMA Committee Room-ah Central YMA OB, Kumpuan Sub-Committee hruaitute, CADS hruaitute, Sons of God Ministry te leh Krista Hnungzuitu Tawngtai Bethel Camping Centre-a hruaitute chuan Meeting an nei a, Camping inbuatsaih dan thlirhovin zanriah an kilho. Ruahman dan chuan he Centre awm sa bakah Central YMA hnuai Ruihhlo Do Pawl CADS te mi man, chhanchhuah ngaite dah luh belh an ni ang a, mi 500 vel tana buatsaih tum a ni.

LAWMTHU SAWINA

Ni 20.6.2011 zan dar 7 vela Chanmari West Middle School a kangmei chhuak ah tlawmngaia theihtawp chhuaha thelh tute in remhriatna hmanga chhiatna nasa tak thleng thei kan pumpelhi hi kan lawm tak meuh meuh a ni. Tin, he kangmei chhuak rang taka lo hmu tu leh a thelh nana theihtawp chhuahtu Pu T.Bualzika te chhungkaw chungah pawh kan lawm takzet a ni.

Headmaster & Staff**Chanmari West Middle School.****UI CHHAR**

Ui chhar a ni a, a ti bo chuan a awm dan chiang tak sawiin tun thla ral hma ngeiin ahnuai phone number ah hian zawhfiah theih a ni e.

9612568254 / 9774584784

DAN LEH HRAI**Hnathawktu vanduaite
zangnadawmna pek theih dan**

Hnathawktu vanduaite tawkte hnena zangnadawmna pek hi Sawrkarin a lo buaipui fo tawh thin a, kum 1855 ah khan hnathawhna hmuna thihpui khawp hliam tuarte hnena pek dan tur FATAL ACCIDENTS ACT, 1855 an siam a. Chu dan chu tha taw lo a an hriat avangin kum 1923-ah khan ennawn lehin thinpui khawp hliamtuar chauh nilo, kumkhaw chawmawhna leh ram tui lei loh phanna te leh damchhung ri hriatna hloh leh hmui hmai hmuh tlak loh khawpa chhiatphah te pawh pek theih dan an ngaihtuah ta a. Kum 1924 January thla ni hmasa ber atanga hman tan nghal a ni ta a ni.

He dan hmanga zangnadawmna dawngtheite chu hliam pui, tihdam theih loh tuar (parmanent disabled) leh hetiang hliam pui tuara thi ta chhungte an ni a. Vanduaite tawkte chhungte zingah chuan a hnuai mite zawng hi an chhungte zinga mi, hnathawh laia a thih avanga zangnadawmna dil theite chu an ni :-

1. Chu hnathawktu nupui thihsan, a fapa naupang, ama fa tak a ni emaw faa a siamchawp (adopted son/daughter) a nih pawhin fanu pasal la nei lo, a nu, hmeithai nen.

2. Hnathawktu hlawa inngat, kawng danga sum emaw hlawhhlam la nei lo fanu emaw fapa emaw kum 18 chin leh chutiang mi kuttual leichham.

3. Hnathawktu hlawa inngat, hmun danga sum emaw hlawhhlam tlem azawng lo nei a nih pawhin hetiangin zangnadawmna an dil thei tho ang:-

a) hnathawktu hmeichhia a nih chuan a pasalin; b) hnathawktu chu mipa a nih chuan, a pain; c) a sawn fa mipa naupang emaw hmeichhe naupang emaw, a fanu, kum tling lova nei leh sun tawh emaw; d) a nau mipa emaw a farnu pasal la nei lo leh kum tling lova pasal sun emaw; e) a mo a pasal sun; f) a tupa emaw tunu emaw, chutiang naupang nu leh pa tu zawk zawk mah dam tawh lo. g) hnathawktu nu leh pa a tu zawk mah an dam tawh lo a nih chuan, a pu (a pa pa)

He dan hmanga zangnadawmna pek theih zat hi hnathawktu thih leh damah leh hliampui tuartu nat danah a in chen lo nasa hle a ni.

(a remchan dan angin chhunzawm leh a ni ang)

HETAH HIAN SMS LA

>>9774170328<<

☞ Pu Zaithanmawia te in thlen hma thirban bul step tira Zu in thin ho hi an ninawm thin khawp mai. Khawngaiha in tawh lo tura ngen in ni e.

961286_31

☞ Kohhran Upa pakhat mi hnathawktu a lo complain dan kha chu a upa tawngkam lo khawp mai, khatiang chuan biakin ah pawh tawngtaiin thu tha tak tak sawi thin mahse kan ei tawh awmlo mang e!! 'Labour mimawl' a han ti te kha a mawilo khawp mai. A tawngkam kha lo innawn leh se a tha khawp ang.

977496_01

☞ Vengchhunga bawlhhlawh pawh motor kal hi a lawmawm viau laiin Central Road kawngphei thenkhat te tan hian buaithlakna chin a awm thin tlat. Bawlhhlawh a tam tawh thin avangin pawhna kan changlo thin fo mai hi thuneituten felfai zawka kalpui dan han dap leh thei sela kan va ti ve.

961215_30

☞ YMA Park-a zanreia zu in thin ho hi simtir dan emaw a ngaihtuah theih hram lawm ni. Mit an ti kham thei hle a ni.

943638_00

☞ Badminton khel thin hoin volleyball players te chungah an rilru put hmang hi sim tawh teh se. Indoor-a badminton khel ten fee ` 50/- an chawi hi Indoor Stadium maintenance na tur a ni a, volleyball players te hi chuan veng tan veng hmingthatna tur atan a sin kan practice thin. Zinglamah hun in nei a, tournament dawn tlailam hun tlemte volleyball players te practice tur hi chu min ngaihpawimawhsak hram tawh teh u.

986210_12

(Tournament dawn emaw dawn lo emaw Volleyball players-te 2 emaw 3 emaw practice tur an awm chuan CWSC thuchhuak angin Badminton players ten ngaihpawimawhsak hram thin nise a lawmawm hle ang.- CWSC)

(SMS kan dawn te hi Ed. Bd ngaihdan a ni vek kher lo)

ADMISSION OPEN

FRED-BEE HOSTEL & TUITION CENTRE

Zotlang, Aizawl.

* Mattress provided

* Separate Locker

NIGHT HOSTEL ALSO AVAILABLE

Contact :

9436152297/9862325133

CHAM CHAM STORE
Chanmari West. Aizawl. C-85/01A
Ph. 9436352887 / 0389-2348162



Hengte hi kan ti thei e.

Xerox, Lamination, Photo Block Lamination,
Passport Size, Spiral Binding, Invitation Card,
Visiting Card, Signboard, Baner designing etc.



Photo quality tha tak water proof
Camera, Mobile Phone etc. atangin kan print thei.